



Universitätsbibliothek Paderborn

Historiae Ecclesiasticae Pars ...

Historiae Ecclesiasticae Pars Tertia, Qva Continentvr Hermiae Sozomeni
Salaminij lib. 9. Euagrij Scholastici Epiphanensis lib. 6

Christopherson, John

[Köln], 1569

De calamitatibus quæ propter Iohannem acciderunt, & de morte Eudoxiæ
imperatricis, & Arsacij: tum de Patriarcha Attico, cuias fuerit, & quibus
moribus. Cap. XXVII.

urn:nbn:de:hbz:466:1-12718

antea congregandam diximus: Ea quippe sola est quæ huiusmodi procellarum impetus retundere potest: Quam quidem donec consequamur, expedit medelam calamitatis huius cōmittere voluntati magni Dei ac Christi eius domini nostri. Illa vniuersis quæ nunc per inuidiam diaconi ad examen fidelium perturbata sunt, tranquillitatem dabit: nihil autem desperare debemus, freti nostra in Deū fide: Ac nos quidem multum deliberamus, quo nam modo Synodus Oecumenica congregari possit, per quam diuina voluntate turbulenti isti motus consopiri possint: Expectemus itaque tantisper ac vallo patientiae communiti, speremus auxilio Dei cuncta nobis esse restituenda: Vniuersa verò quæ vos ibi sufferre dixistis iam antea à episcopis vestris, qui Roman licet diuersis temporibus conuenerunt, Demetrio videlicet, Cyriaco, Eulasio, & Palladio, qui nobiscum sunt, diligent inquisitione habita cognouimus.

De calamitatibus quæ propter Iohannem acciderunt, & de morte Eudoxie imperatricis, & Arsacij: tum de Patriarcha Attico, cuias fuerit, & quibus moribus. C. A. P. XXVII.

Hae sunt igitur Innocentij literæ, ex quibus animaduertere licet, quam ille opinionem de Iohanne haberit: eodem temporis tractu perquam magna grādo Cōstantinopoli & in suburbis cecidit, & quarta post eam die Imperatoris vxor mortua est: Quæ omnia Deo propter Iohannem indignante fieri, vulgo credita sunt: Nam certe Cyrinus Chalcedonensis episcopus, qui illū præ ceteris calumniatus erat, non multo antea ex infunio, quod pedi illius acciderat, vtroque crure per medicos mutilatus miserabiliter interiit. Et Arsacius cum exiguo tempore Constantinopolitanæ ecclesiæ præfuisset, est mortuus: Huius successionē multis ambientibus, quanto post obitum illius mense, ordinatur Atticus. Constantinopolitani cleri præsbyter, unus ex insidioribus Iohannis. Hic quidem natione erat ex Sebastia Armeniæ, sed à puero ad religionem institutus per monachos Hæresis

Cc v resis

SOZOMENI HISTOR.

resis Macedonianæ sectatores, qui tum temporis Seb-
stiæ in huius sapientiæ studio clarebant, ex scola Eustathij
progressi, quem Episcopum ibi ac præfulem præstantissi-
morum monachorum fuisse iam antea cōmemorauimus.
Hic autem cum ad virilem ætatem peruenisset, ad catho-
licam ecclesiam transiit. Et quoniam natura magis quam
doctrina prudens erat, rerum agendarum insidiator fuit,
vt qui & ad struendas insidias & ad easdem euitandas sus-
ficeret. Ingenio pellaci, ita vt multis gratius esset. In con-
cionibus ecclesiasticis mediocris, vt hæ neque scripto di-
gnæ viderentur auditoribus, neque eruditio[n]is profut
expertes: Nam cum affectatus esset, si quando occasionem
nactus erat, præcipuos quoque Græciæ scriptores ledi-
tabat, & eo ipso quod in doctus haberetur, dum de hisce
discereret, etiam doctos s[ecundu]m penumero latebat: ferebatur au-
tem erga suæ opinionis homines industrius, aduersus di-
uersa sentiētes formidabilis, & facile his ipsis quoties vel
let incutere metum, & mox mutatus apparere mansuetus:
Atque hunc quidem talem fuisse aiunt illi, qui hominem
norant. Iohannes porro postquam in exilium electus fuit,
etiamnum clarior evasit. Nam cum pecuniarum haberet
copiam, quas & alij multi afferebant, & Olympias illa
ministra mittebat, multos captiuos ab Isauris redimebat,
ac suis restituebat, multisque egenis necessaria suppedita-
bat: quibus autem pecunijs opus non erat, eos oratione si-
bi conciliabat, eratque per quam charus Armenijs, apud
quos agebat & eorum finitimi: ac multi tum Antiochiz,
tum ex reliqua Syria & Cilicia ad illum frequentabant.

*Quod Innocentio fuerit studio Iohannem
per Synodum renocare. De aggra-
uato eius exilio ac morte.*

CAP. XXVIII.

Innocentius verò Romæ episcopus prout antea scrip-
serat, eum reuerti ipsum cuperet, vna cum Orientalibus
episcopis ijs, qui pro eo supplicabāt, misit ecclesiæ Ro-
manæ episcopos quinq; & presbyteros duos ad Hono-
rium